



Geopende *Deure*

GEBEDSKALENDER

September 2026



“Hoe lank nog, Here?”

PSALM 13:2

h MAAND VAN GEBED VIR DIE
KERK IN SUB-SAHARA AFRIKA

SEPTEMBER

SUB-SAHARA AFRIKA

Dinsdag, 1 September

Ontmoet pastoor Josiah (op die voorblad). Hy het sy vrou en drie seuns verloor in ekstremistiese aanvalle in Nigerië. Hy vra ons om saam met hom die volgende gebed te bid: “Here, wees ons aanmoediger ... bly altyd naby ons.”

Woensdag, 2 September

Bid dat almal wat treur oor die verlies van geliefdes wat vir hul geloof gemartel is, God se belofte sal ken – dat Hy “naby die gebrokenes van hart” is.

Donderdag, 3 September

Bid saam met pastoor Michée van Burkina Faso. Sy pa, broers en lede van

sy kerkgemeenskap is doodgemaak in ’n brutale aanval wat Christene geteiken het. Hy herinner ons: “Julle gebede is vir ons baie belangrik.”

Vrydag, 4 September

Pastoor Michée vra ons om die volgende te bid: “Bid dat ons die geloof in God sal behou, en dat ek altyd aan my bediening toegewy sal bly tot die einde.”

Saterdag, 5 September

Bid saam met pastoor Bandiba se kerk in die oostelike deel van Burkina Faso. Ná ’n dodelike aanval begin die kerk, wat meer as 700 mense gehad het, opnuut op ’n nuwe plek. Bid dat God Sy kerk sal verlos en herstel.

Sondag, 6 September

Bid vir vertroosting, krag en vrede vir die families van

“Julle gebede is vir ons baie belangrik.”

—PASTOOR MICHEE, BURKINA FASO

Pastoor Michée van oostelike Burkina Faso.



twee jong bedieningsleiers, Jeremia en Amadou, in oostelike Burkina Faso. Die twee mans is doodgemaak toe ekstremiste hul kerk binnegegaan het.

Maandag, 7 September

Bid dringend saam met Nigeriese gelowiges wat nog steeds geskok is oor die ontvoering van meer as 40 kinders. Bid dat God hierdie kwesbare kinders in gevangenskap sal beskerm en versorg.

Dinsdag, 8 September

Bid saam met gelowiges in sub-Sahara Afrika, wat ons steeds vra om te bid dat hul geloof en getuienis ondanks vervolging h lig vir Christus sal wees.

Woensdag, 9 September

Mali sukkel nog steeds met gekoördineerde aanvalle deur jihadistiese militante wat met Al-Qaeda verbind is. Bid saam met 'n kerkleier: "Bid dat ons veerkragtig, getrou en h lig in hierdie donker situasie sal wees."

Donderdag, 10 September

Bid vir krag saam met die familie van h Nigeriese pastoor, Gbenga Sanny. Hy is uit sy huis in die Ilu-Abo-gemeenskap van Ondo-staat ontvoer. Sy familie het ontsnap, maar sy kinders het hul pa se ontvoering aanskou.

Vrydag, 11 September

Bid vir gemeenskappe wat weens hul geloof aangeval word, veral vroue wat nou weduwees is en hul

kinders. Bid dat God hul geloof lewend sal hou.

Saterdag, 12 September

Bid saam met Nathalie*, wie se man doodgemaak is in h ekstremistiese aanval op haar dorp in Burkina Faso. "Bid dat ek vir my kinders sal kan sorg," sê sy.

Sondag, 13 September

Deborah* se man is in dieselfde aanval doodgemaak (25 vroue het dié dag weduwees geword). "Bid dat God my krag sal gee," sê sy. "Bid dat ek Jesus sal volg tot my laaste dae."

Maandag, 14 September

Asabe* het h boodskap vir jou. Sy het danksy jou gebede en ondersteuning noodsaaklike traumasorg ontvang nadat haar man en drie seuns gemartel is. "Ek dank julle vir alles wat julle vir die Evangelie doen," sê sy.

Dinsdag, 15 September

Bid dat God die weduwees in Asabe se weduwee-groep sal versterk. "God het ons gekies om weduwees te wees, en Hy weet hoe Hy vir ons sal sorg," sê sy.

Woensdag, 16 September

Bid saam met alle weduwees wat Goddelike krag nodig het om aan te beweeg en vir voorsiening vir hul families om onverwagte manna te ontvang.

Donderdag, 17 September

Bid vir wysheid vir kerkleiers terwyl hulle dit wat hulle oor traumasorg geleer het by hul kerke en met



ander wat deur geweld getraumatiseer is, deel.

Vrydag, 18 September

Bid vir traumasorgwerkers terwyl hulle na dorpe reis. Bid dat God hulle sal beskerm en hulle h blik sal gee op hoe Hy hulle gaan gebruik om genesing te bring.

Saterdag, 19 September

Bid vir volharding vir alle traumasorgwerkers in h traumasentrum wat deur Geopende Deure ondersteun word. Bid vir hul welstand terwyl gelowiges hul traumatiese ervarings deel.

Sondag, 20 September

Bid vir jou familie in noordelike Mosambiek. h Kerk is tydens h onlangse aanval afgebrand, insluitend die kleuterskool daarin. Bid vir h einde aan die geweld.

Maandag, 21 September

Bid vir die families van gelowiges wat gemartel is. Bid dat God steeds vertroosting, versorging en vrede sal bring terwyl hulle

oor hul geliefdes treur en by hul “nuwe normaal” aanpas.

Dinsdag, 22 September

Bid vir Christene in sub-Sahara Afrika wat só baie waag om Jesus te volg. Bid dat baie meer mense traumasorg sal ontvang.

Woensdag, 23 September

Bid vandag op die Internasionale Dag teen Seksuele Uitbuiting en Mensehandel saam met vroue en meisies regoor sub-Sahara Afrika, waar ekstremiste verkragting en ontvoering gebruik om die Kerk te verlam.

Donderdag, 24 September

Ons broers en susters vra ons steeds om saam met hulle te bid dat hul aanvallers Jesus sal ontmoet. *Here, ons bid vir die transformasie van harte en lewens.*

“Bid dat ek Jesus sal volg tot my laaste dae.”

—DEBORAH, h NIGERIESE WEDUWEE



Vrydag, 25 September

Ontmoet Samira*, 'n 23-jarige Christen-ma van Tsjaad. Sy word verstoot omdat sy Jesus volg. Sy vra ons om te bid dat haar kinders Christus sal leer ken.

Saterdag, 26 September

Bid vandag vir Nigerië se president, Bola Ahmed Tinubu. Bid dat God hom wysheid en moed sal gee om die land se burgers te beskerm.

Sondag, 27 September

Vandag is dit vier jaar sedert die hemelse tuiskoms van Geopende Deure se stigter, Broer Andrew. Bid vir ons bediening en ons leiers terwyl ons voortgaan om Broer Andrew se visie en nalatenskap na te streef.

Maandag, 28 September

Bid vir Burkina Faso se president, kaptein Ibrahim Traoré (ná die 2023-staatsgreep aangestel). Hy sal na verwagting tot 2029 aan bewind bly. Bid vir nederigheid en fokus om die aanvalle en onsekerheid in die land aan te spreek.

Dinsdag, 29 September

Bid dat die wêreld sal wakker word, omgee en optree teen die voortdurende geweld en onreg wat die lewens van ons vervolgte familie deurdring.

Woensdag, 30 September

Bid dat ons as die Liggaam van Christus ons familie se oproep sal beantwoord om vir ons broers en susters in sub-Sahara Afrika te bid, wat Jesus ondanks die risiko's volg, wat ook al gebeur.

**Name verander weens veiligheidsredes.*



Geopende Deure Afrika

T +27 11 888 9341

E southafrica@od.org

 +27 66 397 1319

VOLG ONS OP:

www.opendoors.org.za

